

薛稷吟館鈔存

薛籙吟館鈔存

卷三目錄

臘八日出京

盧龍懷古

豐潤縣曉發

雙望即目

孤竹城

登清風臺

范家店見海

澄海樓

山海關

姜女祠

遼西寄家人

讀功舫亭詩稿即和露英上公奕

瀨元韻

高橋以東松山杏山舊戰場也恭讀碑文乃悉

始末謹誌以詩

大凌河歌

遼西懷古

閭陽道中

道出閭陽遊山未果

望海寺懷古

望山堡憶友

柳河溝

履任謁

陵恭紀

題者介春將軍英十駿圖

初至瀋陽作

介春將軍得鮮蓂一本畧以玻璃屏屬題

二月十六日宿烟台牛永堡

西隄塔嶺

撫順城

得古村和薩湘林宗伯迎阿題壁

薩爾澣碑亭

馬爾墩嶺

木齊夜宿

永陵于役恭紀

渡穆奇河

旅館

戲寄家人

隄塔嶺

哈湯溝

偶成

學圃用卓海帆大司馬秉恬韻舫亭先生屬

驥甥子襄善旅居僧寺寄懷率和

小陽月下浣功舫亭普明鼎雲訓德默菴誠小

集菜根香館即席

舫亭以詩自壽索和

惟儉堂司農勤署吉林將軍以詞代柬兼寄鹿

尾鯉魚諸物賦謝

默菴同年調京少司寇餞席賦別

庚子正月京宅遇火

庚子仲春下浣賀舫亭賜環

和默菴途中見寄

偶然作

晨夕

首夏

興京于役雜咏

望烟簫山

鼎雲前輩見示佳章感而步韻

庚子十二月內轉秋曹留別介春將軍兼預祝

華誕

范陽道中

元聖宮望牛郎山

九松山迎水寺和崔研露大司寇

古北口

出古北口放歌

黃土岡遇雨口號

灤陽使館

雜咏

灤平蔡東川明府

懋昂

索賦

毓又坪太守科餞詩索和

重宿穹覽寺

旅館

重過古北口

保陽道中

靳文襄墓

滹沱河次黃樹齋少冠

爵滋韻

井陘關

自井陘至柏井驛道中作次樹齋韻

太安驛有韓文公詩亭樹齋次韻戲簡同人亦

和一絕

和樹齋寄懷京友元韻

臘八日晉陽使館

臘八日樹齋招同曹良甫
楸堅周鍊臣
揆源色

桐岩
克通阿小飲再步蕙字韻

題陸杏坡贊府
春圻巴山聽雨圖

英雄相遇處

綿上聚懷古

韓侯嶺

二十一日有作

自霍州至平蒲道中

望中條山

洪洞縣謁臯陶廟

灞橋寄懷七首

灞橋寄內兼示小女雯仙

灞橋感懷

崇仁寺

驪山懷古

臨潼至赤水道中

望少華

望太華

楊燕庭觀察

翼武

竹園題壁

上元日華嶽題壁八首

再題玉泉院

五泉院希夷睡像

平陽

樊橋驛小亭

新正十九日早行口占

聞喜道中遇雨

聞喜道中即目

冷泉關

介休縣曉行遇雪

登南天門

即目

井陘縣東天門

再宿崇因寺

望都道中

辛丑十月考試恩監闈中步龔季思宗伯

守正

元韻

季思先生疊韻屬和

今夏嘆夷擾浙沿海騷動 朝廷命將出師蕩
平有日聞中以采薇之詩戎車既駕四句命
題想見 聖心宵旰之不忘矣仍疊前韻預
奏凱歌

周鉄臣同年 錯贈菊兼侑以詩步韻奉謝
壬寅孟夏由香山卧佛寺遊翠微山諸勝

薛稷吟館鈔存

臨潢 柏後

臘八日出京

濃雲侵曉鎮糝糊滑膩雙弓祖帳殊幾縷東風六花舞
有人迎着上 陪都

盧龍懷古

桃林塞上山爭出孤竹城邊水細流無事短衣空射虎
怪來李廣不封侯

豐潤縣曉發

烟寒霜重樹迷離一抹紅霞日出遲
斗憶春明諸舊雨
早朝正是御門時

雙望即目

徑曲行難盡山迴望轉開
溪流新畧約蹕路舊亭臺
礧草乏生意岩松無大材
姮娥如有約迎上半峯來

孤竹城

日宮紫氣曉霞堆款款輪蹄望眼開
碣石諸峯迎馬出

灤河幾曲抱城來
山間冷月健詩骨
塞上清風高墨胎
我驅我車臨渡口
暫時憑弔一登臺

北有夷齊廟
清風臺在焉

登清風臺

在夷齊廟後

高臺截業枕苔磯
棠棣清風振古稀
求仁得仁又何怨
以暴易暴不知非
惟公激烈為斯語
使我低徊對夕暉
太息登車重迴首
叢祠寂歷暮鴉飛

范家店見海

遙指天盡頭
東南鋪雪片
如上最高峯
望江澄似練

澄海樓

獨步雲梯怯倚欄
海天四顧鎮迷漫
胸中不解何由濶
眼界無如此際寬
龍舳微茫依島嶼
蜃樓寂闕走波瀾
當年悔不曾登岱
即此如凭日觀觀

山海關

岩關十里枕山隈
侵曉城門一徑開
峯岫北圍青障立
滄溟東注紫瀾堆
陪都地自邊牆起

出關十里曰邊牆子過老君屯即宣遠州界

外國人從海嶠來

連日遇朝鮮貢使

遙望曉天初日朗
鬱葱無限

氣佳哉

姜女祠

峙立振衣亭千秋望夫石名節兩無心終古海天碧
一樣長城外千年聚訟中何須辯真贋此事繫流風

遼西寄家人

鄉心畧似知途馬雖隔重關路不迷未識長安小兒女
可曾有夢到遼西

讀功舫亭詩稿即和露英上公奕

顥元韻

寵辱從知兩不驚君親同此繫離情寸莢詎敵雷霆震
微蝕何妨日月明悔過新詩囊內滿感恩舊吏馬前迎
春來湛露深如海定卜連鑣入帝京

高橋以東松山杏山舊戰場也恭讀碑文乃悉
始末謹誌以詩

天地異色風雲變神兵西指此酣戰十三萬衆如拉枯
雁鳬滿海浮屍見讀史至此心胆豪意謂松杏雙峯高
北阻羣山南渤澥魚遊釜底烏能逃詎知到眼殊不爾

鳥聞求友獸呼羣物類猶知去住分莫上十三山上望

堡南名十三山甚峭拔

塞雲燕樹正思君

年來奔走悵離羣銷盡輪蹄鉄幾分乘下澤車騎款段
令人却憶馬將軍

柳河溝

茂樹參天兩岸稠征鞭遙指柳河溝分明十二連橋路
湖滙河交古鄭州

履任謁

陵恭紀

獲展 珠丘幸若何
葱龍佳氣滿山阿
金身佛自亭中

現

碑陰有自然觀音像

泥首人疑天上過
一色凍青琪樹艷
三番飛

白雪花多當年無數從
龍彥華表松楸尚翊羅

題者介春將軍

英十駿圖

將軍示我十駿之真形
披圖聳視何駟駟
駢駢駢駢駢駢駢駢駢駢
殊態妙手一一摹丹青
有騮有驄有玉額
虎胸鳳頸麟姿格
菊花萬朵荏鉄青
雪片通身照夜白
天街騰蹕幾

經年揚鞭一蹙無能先周王八駿艷千古得此十駿尤
空前曹韓舐筆為寫照今日相者皆入妙卻想趨朝
踏曉塵紫袍玉帶真天人用蘇句君不見驥也稱德不稱力
錦韉珠勒銅為式又不見古人相馬如相士燕南冀北
千金直孫陽已幸呈其材按圖而索皆龍媒會聞下
詔喧都邑天育重歌天馬來

初至瀋陽作

嫁女不出鄉出鄉少親夥遠宦未挈家不如皈依座自

我辭春明日日風塵堞近塞葭萌關古戍芙蓉邏肌骨
朔風砭道路嚴霜簸子然抵留都公私一心瘳官舍
接荒郊蝸居連土銼治事蟲語冰退食蟻旋磨雖無室
人責殊少良朋佐譬之新于歸深閨夙嬌情大婦恣指
揮小姑肆嘲和未識良人心喜怒相宜那徒羨苾芻家
日高尚酣卧小窻寂無聊排悶吟郊賀欲詠歸去來何
以禦寒餓舉首望長安西笑涕應破

介春將軍得鮮復一本羃以玻璃屏屬題

江山結秀異歲暮五葉三極質出塵裊裊花鬚叅活相
亭亭風骨現全神聲名早冠三都品功力能回四海春
儼向藥籠珍什襲一奩冰鏡滿庭新

二月十六日宿烟台牛录堡

纔見青青到柳條二分春色過花朝傍山蝸舍烟難暖
背日鱗塍雪未消五夜河聲牛录堡一冬冰泛馬官橋
征鞭廻指向西笑此去留都正未遥

西隄塔嶺

河水兩岸劃玻璃隄塔峯邊泝大堤疎落行人多冒絮
淩兢瘦馬怯衝泥近村秀色松林密迥野寒聲雁陣低
我本遼東初作客僂遊漫聽鷓鴣啼

撫順城

傍我如屏障東來一路山孤城斜照裏危塔亂峯間冷
落人殊少馳驅馬不閒柳林名河新鮮凍繚曲涉潺湲

得古村和薩湘林宗伯迎阿題壁

百里不辭泥沒髀兩年幾見鉄銷蹄感君題壁思鞅掌

一醖村酤醉似泥

薩爾滸碑亭

雄師廿萬聚殲旃此地猶思血戰年
鉄砦金碣援尚間
崖名柳盈紙甲笑朝鮮而今禾黍耕千頃
在昔戈鋌懾八埏
跽讀穹碑欽聖藻
大勲不數勒燕然

馬爾墩嶺

林巒數里連櫟紫凍青鮮時鳥忽啁哖
幾聲高樹巔

木齊夜宿

辭家千里餘茅店復為客夢醒五更時滿窓涼月白

興京

虎踞龍蟠勢興京路不遙蒼梧氣葱鬱邠國俗豐饒

北向衆峯拱西來萬水朝天然肇基處峻德頌

唐堯

永陵于役恭紀

豐岐舊迹溯聲靈啓運戔戔數仞青一樹瑞榆共

千古天邊垂下玉衡星

堯尊舜榼薦馨香祠部宗臣禮數詳
鵠立一心通僂僂
五更雪霽月痕涼

寶城高處閱軒旒黃壤年年貢一坏
却望繚垣試翹
首五雲縹緲護珠丘

敢謂輪蹄劇苦辛歲時展禮肅
明裡紙錢社酒棠梨
道却憶家山掃墓人

渡穆奇河

居然剝木古風多並駕雙舳穩若何
敢謂憑生仗忠信

呂梁千仞本無波

旅館

嘹亮夜鴻過鄉心邈若何孤檠不成寐窗外雨聲多

戲寄家人

日日理行勝打包一個僧遠離攬夢想解脫問南能
我跡萍浮水君情絮著泥清齋已如許何異太常妻

堤塔嶺

自盛京至興
京凡三處

堤塔東西嶺往還春仲天行行過叢麓往往俯流川寺

憶雲崗古車驅石磴邊舊遊風景似振觸兩年前

丁酉春
道出大

同府雲岡石窟寺

一帶山路似之

哈湯溝

在薩爾濟
東十里

十里哈湯路揮鞭憚阻修泥痕深沒骭峯勢矗當頭折
戟沙塲在穹碑石磧留斐芬山一戰即此亦鴻溝

偶成

盡日狂飈撼不停晝長閒坐戶常扃數聲鉄板三絃鼓
賴有東都柳敬亭

學圃用卓海帆大司馬

秉恬

韻舫亭先生屬

衙齋寂靜客懷孤
犁地分泉闢一隅
數段新畦生意滿
四圍老樹綠陰鋪
菜根香較時花艷
荳蔓柔宜瘦竹扶
為問西都諸侍從
蕭閒能似此間無

驥甥子襄

善

旅居僧寺寄懷率

和

春華嗤庶子秋實屬家丞
學力我深媿詩才君代興
劉黃三院策王播五更燈
坐對僧窓下迴思感欲增

為貧而仕者官不厭居卑
蘭若常看月花堦但賦詩
鄉

懷千里切宦味一心知
指顧排空去應惟妙手兒

小陽月下浣功舫亭
普明鼎雲訓德默菴誠小

集菜根香館即席

何意凌晨雪乍停
行行小隊到郊坰
縱饒詩誦高軒過
可惜音無駐馬聽
拚戰只浮三雅白
手談共繞一燈青
請吟不醉無歸句
應放蟾光滿畫櫺

舫亭以詩自壽索和

四方原壯志桑梓况吾家
子月賓筵啓辰籌海屋加壽

星輝北極詩境滌南華莫便尋梅去江村賦白沙

綠有避
壽之語

少壯殊辛苦多年共此繁窮年過鼎鼎服政久觥觥佛
號壽無量室顏心太平樂天自知命太上本忘情

惟儉堂司農

勤

署吉林將軍以詞代柬兼寄鹿

尾鯉魚諸物賦謝

詩筒未遞遞詩餘語摯情殷尺素書雙尾遙頒占即鹿
寸箋乍擘想烹魚一從東國分鑣後每憶西窓剪燭初
為問吉州老元帥眉尖愁鎖竟何如

慰我朝饑餽素餐馳來一騎說平安比鄰賴有同懷客

謂明鼎雲德

默菴諸君

夙願同為耐冷官小醜跳梁何桀傲

近奉廷寄有
嘆夷更加傲慢

之三公論道劇艱難

潘諺以將軍兼尹府尹為三公
余時以刑侍攝兼尹事

須知自問堂中

客

寓中有自
問堂額

也盼秋山眼欲穿

原唱有可恨經秋山
盼得人眼穿之句

默菴同年調京少司寇餞席賦別

正逢陌上鬥芳菲好奉金護緩緩歸挽鹿客車瞻海驛

歌驪祖帳滿雲圻近光穩步三霄履退食香携一品

衣羨殺玉帛歡聚處棣華堦下水春暉

咏霓猶憶大羅天
慘綠黃裳最少年
裴令異時符入相
班生此去說登仙
文章報國金科重
桃李盈門玉笋聯
聞木犀香探杏豔
瓊林鳴鹿兩開筵

紫泥一紙簡秋曹
整轡西歸賦大刀
當代論交爭許晏
虞廷弼教必咨咎
此間樂豈能忘蜀
他日思應共鬱陶
郭奕有懷心久醉
不須三斗飲醇醪

蓮漏依稀月影殘
一樽贈別別殊難
二三人約同君話
十六年來取友端
橋畔春光思折柳
庭前喜事盼徵蘭

何時再剪西窓燭
畫錦堂開四座歡

庚子正月京宅遇火

陶靖節有
遇火詩

此時把筆猶昏瞢
兩手顫掉心忡忡
家言一紙付急遞
上元一炬火吾宮
鰕生株守遼之東
開械如睹咸陽紅
信耶夢耶非真耶
親串紛沓來書筒
曾讀劉向五行說
天時人事相始終
展氏無乃有隱慝
藥巴何術能回風
菟裘破屋數間耳
飛灰一旦歸祝融
圖書取以六丁火
竹樹燎若三秋蓬
柳州昔為參元賀
嗟我名劣財非豐

廢書三歎誦固窮何須咄咄頻書空

庚子仲春下浣賀舫亭賜環

追隨几杖客 陪都豪邁如君曠代無斗酒百篇居士
李掀髯一笑長公蘇此時何幸歌鳴鹿永夕難教繫皎
駒計日 帝鄉應早到滿園桃李待華萼

喜奉 天書降紫泥依依戀別上長隄九霄風順搏鵬

翮一路花開送馬蹄握手只餘時信宿

二十三日得
二十六日即啓行

知

心不隔地東西

新綸竝聽虛前席穩步青雲百尺梯

和默菴途中見寄

欲寄相思不厭頻
寥寥數語見天真
如風飄絮蠶成繭
解脫無由証夙因

偶然作

案牘無多早放衙
習勤却羨老農家
誅茅儘有數弓地
閒課兒童學種瓜

豌豆芽肥菜甲紅
連朝雨雨復風風
園丁失喜走相報
今歲遼東已兆豐

尋來菜把滿筠籃
藜藿飮盤苦亦甘
永夕劇談留謝孝
出門西笑憶桓譚

舍南蔬圃接瓜棚
海氣噓雲凍雨傾
會有素心人共話

出門一笑大河橫

工部官寓前有積水不涸

晨夕

晨夕誰從論素心
閉門搖膝且長吟
六經零落餘班馬
五嶽游行負向禽
舊雨不來虛客席
冬官無事點朝簪
海鷗汀鷺皆傳侶
且自澆園學漢陰

首夏

春歸已多日花事漸嫣然節候鄉關晚風雲海嶠便連
朝吹凍雨四月衣重棉不假南薰奏清和詠葛天

興京于役雜興

微雨三點五點時花一叢兩叢更有許多蛺蝶雙飛趁
著和風

嶺路亦隄亦塔河流如矢如環此昔戰場所在偉哉功
邁天山

野卉滿坡隨意放時禽在樹偶然鳴河山不語坐相笑
爭似渠儂無世情

五河七嶺三隄塔小埵流泉左右之曾駕鼓車親計里

郵籤恰合一年期

自盛京至興
京計三百六十里

望烟簫山

在永
陵之陽

坐看陰嶺秀峯勢亞終南林木高低羃烟雲早暮含

鼎雲前輩見示佳章感而步韻

卧疴深自閉書闌疏食何妨拾澗菲一室人閒成寂寞

五陵年少想輕肥客中談笑知心有夢裏家園舉目非
怪底牢愁揮不去子規清曉已催歸

庚子十二月內轉秋曹留別介春將軍兼預祝

華誕

天開

壽寓頌

皇州

本年恭逢六旬
萬壽慶典

誕降宗臣伊呂儔二

月生申綿福祿六旬開甲富春秋金貂累葉家聲振玉
樹雙株世德優寶馬趨朝陪輦路繡衣持節領貔貅翰
屏東土周元聖懾服南夷漢武侯新荷垂恩嘉乃績

薛稷吟館鈔存

卷三

十七

昨奉 批摺有
可嘉之至之諭

重承

錫福壯其猷

客臘 賜
福字二紙

輕裘緩帶韜鈴

秘大几明窓筆陣道推赤窠寮竿牘整垂青寒峻藥籠
收感公惠愛情千古媿我追陪歲兩周一字為師霏墨
速十年以長辦香留言旋慚副雲亭鑰誌別欣添海屋
籌尺五堂前先跼祝受釐應與 國咸休

范陽道中

行近岩城始見山居庸一脉疊螺鬟村居落落疎林裏
禾黍芄芃夕照間繡野有秋人笑樂琴堂無事吏清閒

輜軒喜聽行人語南粵氛消正凱還

元聖宮望牛郎山

招提小築枕山岡試拓疎櫺禾黍香數點螺鬟機石在
好山何以號牛郎

九松山迎水寺和崔研露大司寇

遼東兩載滯游踪乍睹秋妝喜動容雨後溪清流幾處
馬前嵐翠擁千峯停車石徑寺迎水歌枕雲根人夢松
四面烟巒如待客倦懷誰假一支筇

古北口

萬壑千岩擁巨關
縈紆鳥道費登攀
曠懷今古空增感
觸目林巒乍解顏
雲欲作霖時出岫
泉能潤物不居山
嗟余南北東西慣
輪鉄鞭絲未肯閒

出古北口放歌

我家大漠臨潢府
攀鱗附翼來燕幽
自通籍後十餘載
皇華四出開驂騑
南踰大江北河套
西客秦隴東瀋州
即今持節白雲省
立馬留幹高峯頭
不知太行西來幾

千里長城高下如蟠虬七十二圻此歸宿朝霞晃朗舒
明眸興安廣仁倏隱現潮川灤海分清流勝國紛爭事
已矣眼前生聚桑麻稠春酒躋堂坻介壽黃雲壓壠農
歌秋固知在德不在險昔也擾攘今豐收木葉山梳妝
樓松林千里空陵邱龍眉故宮在何許可望難卽如瀛
洲畢然凭眺策馬去使我懷古心悠悠

黃土岡遇雨口號

昨日坎坷青石梁今朝滑澁黃土岡烏城隔嶺不可見

雨雨風風路轉長

灤陽使館

行館森嚴寂不譁
駸駸日影度窓紗
更無些事疑犀首

未盡其辭愧鼠牙

鞠業提人未到

隔院書聲晨入學

東鄰有書塾

近山樵

唱夕歸家

對使館曰饅頭山樵牧往來甚多

蛩音如訴秋寒甚
唧唧墻根傍

菜花

雜咏

無事檐前望翠微
拈毫吮墨又斜暉
呀然忽笑籠鸚鵡

飲啄雖豐不奮飛

出塞原防白袷單初秋竟作暮秋看
昨宵風送前山雨潑水衾裯分外寒

灤京白露候非遲似有輕霜結樹枝
記得家園好風味滿盤魁栗薦新時

最好秋風剝棗天遼東兩載枉饒涎
而今仍作灤江客

辜負紅香又一年

瀋陽灤陽
俱無鮮棗

避暑山莊勘工畢敬誌

卷阿勝地屬 山莊暖溜神皋早 獻祥卅六景分真奧

曠 九重蹕駐劇清涼 畫圖自寫三山境 美富猶遮數

仞牆 勤政習勞欽 祖烈至今望 幸遍旗氓

灤平蔡東川明府 懋昂索賦

烏城小駐訪名流 第一循良說蔡侯 磬室無虞民皞皞

琴堂有頌政優優 濮陽治蹟當年著 浙右家

曾權開州東明大名各篆

聲奕世留尚勉 前修書上攷雙旌 五馬壯懷酬

毓又坪太守 科餞詩索和

桂魄裁生喜放晴

七月下浣
雨頗勤

奉來韻語叶鏗鯨詩如珠露

三秋潤人比冰壺一例清塞嶺宣仁瞻有象灤江流澤
靜無聲虛懷轉荷烏絲賁華袞真叨字字榮

哀矜原重得其情敢詡臣心似水清政績君曾喧冀北

君以青年高甲
任比部有聲

晤言我幸到灤平知交誼薄三霄上里句才

難七斗爭他日相思東望處關山高聳暮雲生

重宿穹覽寺

往還穹覽寺都是雨中過山地滋多稼溪流赴巨河生

憎途險仄預怯勢滂沱竊語聽窓外奚奴喚奈何

旅館

白雲紅葉滿山秋好是灤京一月游祇有家園頻問訊
兩株丹桂着花不

寒燈孤館夜三更童子酣眠萬籟清細雨淋漓不成寐
秋蛩窓外一聲聲

重過古北口

不覺兩旬久重來是北轅長城仍趙魏一嶺隔寒暄

口進

暖驂紅樹三秋艷青山萬古存岩關真險絕南望況天門

南天門距

口五里許

保陽道中

華陰西去路迢迢
滕雪池冰暖欲消
不見城南百花嶼
黃塵十丈馬蕭蕭

靳文襄墓

當年治水此為神
瞻禮松楸氣象新
莫待巫陽朝上帝

驂鸞早奠大梁民

時豫省河決

滹沱河次黃樹齋少寇爵滋韻

平橋接白沙凍合水之涯五夜催星騎三冬泛月槎源
探千壑浪雪積一川花行館晨餐足何勞麥飯嗟

井陘關

太行西來第五陘

蘇詩太行西
來萬馬屯

廿年前客又重經

丁丑戌寅
頻年過此

連峯終古高無極飛瀑嚴冬瀉不停此地層樓顏捧日

昔時一水背迴星

水名即淮陰
背水陣處

幽并澤潞真天險戍卒何

閱倚翠屏

自井陘至柏井驛道中作次樹齋韻

磴陟天門午夜兼問程何處有村帘輪蹄過涉泠泠水
騶從誰歌昔昔鹽風勢擁將千騎走日華透出萬山尖
修途迂滯吟排悶却喜行囊詩稿添

太安驛有韓文公詩亭樹齋次韻戲簡同人亦
和一絕

同舟聯騎使長安

同人皆
官比部

旅館三冬較更寒不少金蘭少

花柳一燈共學坐蒲團

和樹齋寄懷京友元韻

文章聲望推南國，聯轡西行慰所思。

客冬同使關中

憶昔星輶持

節早

余典試山左江南再奉星使皆在君後

悔從雲省納交遲

去春始同官比部

春風宛

坐金爐燼白雪難賡玉硯澌

君沿途題詩甚富

竝詠清新庾開府

蒼生霖雨及清時

臘八日晉陽使館

牆頭凍雀曉楂楂，一粥晨餐感物華。今日并州當日瀋

一般冷節促行車

曾聞并潞苦嚴寒三九應歌行路難旅館即今晨睡起
烘窓日影鳥聲歡

臘八日樹齋招同曹艮甫楸堅周鍊臣揆源色

桐岩克通阿小飲再步蕙字韻

華筵正喜二難兼豪飲何勞問杏帘綾餅自勝雲子飯

餅芽茶漫下水晶鹽東坡志林古人煎茶用薑鹽晉地稍寒得薑已足幽并道路趨陽

曲黃河千里一曲地當其陽故名聞越江山落筆尖是日讀樹齋使閩越諸詩同在異鄉逢

臘節消寒小聚酒頻添

題陸杏坡贊府春圻巴山聽雨圖

新詩和畫寫離亭
喚雁分飛不忍聽
他日聯牀重話舊
滿天雨露一燈青

英雄相遇處

在靈石縣
小水鎮

大業之末年英雄紛割據
紅拂女丈夫衛公亦翹楚
不俟駕而行致為臣而去
偉哉虬髯公成敗決一語
同為巨眼人華夷各翔翥
我過冷泉關太岳遙蹲踞
撫時思將才偃武拯黎庶
草澤大有人前席能借箸
不見道旁

碑猶顏相遇處

綿上聚懷古

子張學干祿夫子勗以貧非憂介推不言祿其母激以
盂亦求天爵尊時天祿共此事胡乃須人謀我行綿上
聚頗笑晉文謫有臣十九年不知死為之田復何裨吁
嗟兮學也祿在其中矣身隱焉用言文之夫言亦各有
當耳使我感歎悠然思

韓侯嶺

峨峨峻嶺說韓侯國士雄名萬古留此日雲山埋俠骨

當年鐘室中陰謀

呂后斬信函首來值帝師還至此遂葬之

禍機斷自封王伏戰

績終推佐漢優却怪文終忠不友娥姁賜劍復何尤

二十一日有作

光陰不覺逼年華無那侵尋馬齒加我本燕臺中下馬
馳驅長坂憚鹽車

自霍州至平蒲道中

霍太橫斜分曲轡筍輿連日費登攀依稀古蹟存三代

寒暖天時隔一山

過韓侯嶺
即稍暖

客路林巒斜照外人家復穴

翠微間殘年景物新春近

十二月二十
五日立春

帽影鞭絲未肯閒

望中條山

不見王官谷東南上泂寥連峯趨太華千古艷中條宿

雪皴山脊濃雲湔嶺腰首陽接河曲千里鎖寒潮

洪洞縣謁臯陶廟

分韻得
于字

聖臣祠墓近堯都

距平陽府
四十五里

瞻拜琳宮氣象殊馬喙人占

三代古瓜皮貌比列仙癯蓼英國渺新阡在

墓為邑
人新葺

羊獬

村留古逕蕪漫笑秋曹媚初祖瓣香敬祝合于于

同人皆官比部

灞橋寄懷七首

文印莊茂才

杰

一別春明歲欲闌冰融灞岸柳珊珊關河足跡通三輔
車笠心交限一官聊附短箋相問訊不逢老友說平安
擁書萬卷誇南面可有綈袍耐歲寒

德默菴同年

誠

猶記都亭酒一杯皇華千里賦頻催三分昔數周瑜少

九列今推宋玉才鄉夢愁攀灞橋柳關情聊寄隴頭梅
清談不撲塵三斗懷抱何因得暫開

秦補苴茂才

浦

少游不見四旬餘驛路風光近歲除太華峯邊遲蠟屐
灞陵橋畔穩轡車數椽偈仄三吳客二字平安一紙書
莫學窮愁小園賦囊中珍重有璫璵

麟梅谷妹倩

魁

久託葭莩氣味親應緣共現白雲身金臺品亞無雙士

玉殿臚傳第一人持節我隨秦嶺月奉璋君扈屬車塵

時兼攝京管

遙知梁孟調琴處滿屋唐花滿院春

慶雲峯表弟麟

昔君滇海我陪都握手春明志願符共羨錦堂高鶴
竿劇憐雲路滯鵬圖一龕燈火僧離共萬里親情夢寐
俱聞道椿萱歸梓里笋輿今得到京無

五兄雲莊

琼海遼河昔隔天燕臺聚首倍歡然正期北地從游屐

詎料西安獨着鞭
元日梅花茅塢裏
新春柳色灞橋邊
劇憐子季嗟行役
灤水秦山又一年

十弟子信

磨蝎宮中命自知
平安二字慰相思
灞橋風雪吾能慣
華省文章子自宜
白髮高堂應健飯
紅顏季妹尚能詩
松盆桃板新春事
想見趨庭歡聚時

灞橋寄內兼示小女雲仙

屈指郵程第幾宵
閨中一夢也魂銷
不須更乞金錢卜

除夕春風渡灞橋

路通秦晉穩征鞍
寂寞春初古道寒
遙問嬌癡少陵女
可能有夢憶長安

灞橋感懷

殘年風雪五原隈
獨咏皇華道路開
華岳三峯神並爽
燕京千里首重廻
兩堤烟水柳如故
廿載風塵客又來
淒絕銷魂橋上望
離鸞曾賦有餘哀

乙酉年携妻樞過此

崇仁寺

在長安西郊五里許俗名瞭經寺

不識崇仁寺西郊訪祇林漫云無我相

寺有五百羅漢堂東臺南嚮一尊為識自生羅

漢像同人皆云似余

初到息塵心石篋封苔色

殿前石坊上有石匣二僧人云開則致雷雨

叢祠

羃竹陰

畢公祠在西院竹甚多

登樓凭眺處即此愜幽尋

驪山懷古

莫問開元事千秋水尚溫樓曾傳羯鼓閣不啓朝元秋月照高嶺寒松歌敗垣今成休沐地憑弔幾黃昏

臨潼至赤水道中

驪峯高瞰渭淪漣又訪香山到石泉一刹那頃忽東望

蓮花真像落輿前

望少華

洄曲自爭流竹松相映帶一片少華山都在雲林外

望太華

曉氣清如此今朝嶽色新畦塍平野濶林壑半空真列
笏峯成削披麻雪作皴誰為洪谷子粉本寫嶙峋

楊燕庭觀察翼武竹園題壁

嶽色從龍裏尋幽到竹園池通玉泉院名亞紫蘭村

香山香

故里在華陰渭南間

翠箭田千畝銀川酒一尊

觀察昔任寧夏太守予曾拜識

廿年鴻爪

意長觸不堪論

上元日華嶽題壁八首

玉泉院

墮驢詎多事繫念猶痼瘵歸卧玉泉畔從茲不出山

桃林坪

石磴矗高坪桃林指何許想見三春時滿山散紅雨

娑羅坪

步上娑羅坪石壁高嶄嶄時有雲氣來送雨三五點

王猛臺

捫蝨有奇士雄辯驚山靈至今王猛臺如勒燕然銘

希夷峽

峽口半空懸千尋鍊索牽青雲梯縹緲何處覓金仙

上方

峯石罅號西元門蓋唐元宗妹金仙宮主升仙處門爲覓金仙所鑿

毛女洞

負琴去何處仙洞臨高臺一闕步虛曲天風吹下來

青柯坪

仰見蓮花峯秀挿孤雲直二十八宿潭一瀑瀉千尺

梅花洞

誰劖雲根出居然萼綠華菩提坐含笑一洞散天花

再題玉泉院

我愛玉泉院高依華麓邊庭廊頗曲折水竹共澄鮮
亭藉山蓀古人凭畫檻前平蒲千里外北望極風烟

玉泉院希夷睡像

但得睡中味都忘世外年上方聞蛻骨

上方峯希夷峽
為先生蛻骨處

一枕

此遊仙化蝶有真趣炊梁無俗緣勞人殊自笑枉證大

羅天

平陽

初到堯都地蒼涼百感生市廛殘禾黍第宅襍榛荆舊

業耕田樂新碑擊壤聲

北門外官廨卧
石新刻擊壤曲

茅茨紹嘉德畢竟蕩

無名

樊橋驛小亭

不意塵囂外巋然得此亭四圍烟樹合萬井麥苗青燈
節今宵過村歌隔夜聽待延涼月上無事拓疎櫺

新正十九日早行口占

作客都忘開篆日啓行仍是上朝時一般曉夜風塵味
多少閒人總未知

聞喜道中遇雨

斗覺雲陰送午涼蕭纖不定與風颺麥苗漸見芄芃長

鳥語偏聽滑滑忙一代名勛

唐臣裴趙
皆邑人

悲馬鬣

邑塚形
猶古制

滿山

捷徑慎羊腸

與夫行山徑
泥淖尤甚

僕夫失喜鞭遙指已睹前峯露

夕陽

聞喜道中即目

諛墓文章徧道周
儒童處士盡歌謳
應緣父母斯民少
不見追思到邑侯

冷泉關

在靈石
東北

獨踞冷泉鎮危關
扼上游谷斜傳雀
鼠堠古戍貌貅繚
曲循山麓彎環認
水流義棠應不遠
一塔矗峯頭

滾鐘寺
在義棠

鎮西
山上

介休縣曉行遇雪

凍雲五夜釀朝涼
戲玉飛花官道旁
直壓軟紅塵數斗

雷車不借介休王

用酉陽雜
俎李鄴事

登南天門

平定
州西

策馬陟層巖
晴曦方杲杲
呼吸帝座通
軼宕天門曉
兩

叢翠明玕低
葉浮雲掃

寺中有鳳
尾竹二叢

宿雪壓龍髯
輕風颺鳳

葆羣峯自羅列
帶水遙廻繞
正如登岱宗
一覽衆山小

即目

未免有情花吐艷似曾相識柳含新眼前一種韶華景
爭奈斜陽已照人

井陘縣東天門

直踏層雲東復東天門立馬瞰空濛嶺竒已造蒼宮極
呼吸真疑帝座通綿蔓水流平遠外柏岩山色有無中
迎人紫氣生冠冕已透扶桑萬嶺紅

再宿崇因寺

正定府
城內

二月風光驛路催
老僧猶識使星回
夜深滿院風鈴語
又聽鉤天梵唄來

望都道中

三輔萍踪驚改歲
七旬蓬轉近鄉園
平疇映帶重重樹
流水廻環曲曲村
驛路漸添新柳色
旅居時認舊巢痕

喜省日近長安遠
一抹西山赴薊門

始見西山

辛丑十月考試恩監闈中步龔季思宗伯守正

原韻

薛稷吟館釀存

卷三

三

玉戲連朝舞香漫

連日大雪

門前人似擁橋觀

士子是日入關

儀曹共仰

持衡手

李思蓮洲二前輩同官宗伯故原唱有主司何竟屬春官之句

秋士同為耐冷官

二公寓聚奎堂予居

會經堂

白雪詞新聊遣悶紅泥爐小暫消寒却思矮屋風簷

下呵凍難教一夕安

李思先生疊韻屬和

青燈白袷夜漫漫我輩真如壁上觀但覺冰霜含夏屋

自來桃李屬春官

公連歲屢充請卷

天龍手段應誇捷海鶴精神

本耐寒妙墨新詩同什襲珍如駛雪寫佳安

今夏暎夷擾浙沿海騷動 朝廷命將出師蕩

平有日闌中以采薇之詩戎車既駕四句命

題想見 聖心宵旰之不忘矣仍疊前韻預

奏凱歌

海氛南望鎮迷漫聲討應同獬狁觀小醜跳梁藏水國

元戎佩印出天官

以冢宰夾公經
為揚威將軍

請纓路近人思奮

近屢奉軍
管拔効之

諭挾纘恩深士不寒

上念沿海兵士
祁寒 頒賜銀幣

瑞雪况占收蔡兆

聽三捷報瀾安

周鉄臣同年錯贈菊兼侑以詩步韻奉謝

瑤華如載冷香來纔見枝頭幾朶開舊雨漫題金縷管

新花添種紫霞杯

紫霞杯
前名也

聯吟雅合鸞牋寫相賞無煩羯

鼓催珍重天葩飽風露莫將晚節嘆違才

壬寅孟夏由香山卧佛寺遊翠微山諸勝

少小長京域心折於西山嵐光雲影時在目渺如蓬島

嗟緣慳中年鞅掌走南北鞭絲輪鉄無休閒憶昔秉節

金陵城興極獨步栖霞巔長江一帶帆葉葉金焦幾點

荷田田今春再踏蓮花峯青柯坪峙高巔岼中條太行
不足數平蒲千里迷風烟乃知尋勝如訪友其遇與否
皆前緣昨來普覺寺

即卧佛寺

清曉窮躋攀山靈喜為放晴朗

迎眸秀色堆螺鬟振衣一徑上濃翠健步先為探龍泉

名新流活潑豁心目淨洗埃壒開歡顏香界三山

二寺名只

爾爾寶珠之剎摩青天空廊四敞最森爽俯視塵海茫
茫然山河表裏繞城市一一指點几席前廿載襟期一
朝愜此遊何啻誇登仙林巒晻靄日西下低徊不去神

留連何當結茆凌絕頂招呼仙伯雲林邊四時變態景
萬千畫省圖畫宵酣眠